

ДОТООД АУДИТ, МОНИТОРИНГИЙН ГАЗРЫН 2023 ОНД ХИЙЖ ХЭРЭГЖҮҮЛСЭН АЖИЛ

Дотоод аудит, мониторингийн газар нь Хөдөлмөр, Нийгмийн хамгааллын сайдын 2018 оны А/25 дугаар тушаал, Нийгмийн даатгалын ерөнхий газрын даргын 2018 оны А/22 дугаар тушаалын дагуу 2018 оны 04 сарын 01-ний өдрөөс эхлэн дарга /1/, мэргэжилтэн /5/ нийт зургаан ажилтан, албан хаагчийн бүрэлдэхүүнтэйгээр үйл ажиллагаагаа явуулж байна.

Тус газар нь Монгол Улсын Засгийн газраас батлагдсан бодлогын баримт бичгийн хэрэгжилт, хууль тогтоомж, тогтоол шийдвэрийн хэрэгжилт, нийгмийн даатгалын салбарын хууль тогтоомжийн биелэлт, газрын болон хэлтсүүдийн гүйцэтгэлийн төлөвлөгөөний хэрэгжилтэд хяналт шинжилгээ, үнэлгээ хийж, холбогдох газар хүргүүлэх, Нийгмийн даатгалын тухай хууль болон холбогдох бусад хууль, тогтоомжийн хэрэгжилтийг хангуулах, салбарын бодлого, төлөвлөгөө, хөтөлбөр, төслийн хэрэгжилтийн явцад дотоод аудит хийх, шилэн дансны мэдээлэлд хяналт тавих, болзошгүй эрсдэлээс урьдчилан сэргийлэх, үнэлэлт, дүгнэлт өгөх, зөвлөмж гаргах, удирдлагыг мэдээллээр хангах, бүтцийн нэгжүүдийн үйл ажиллагааны үр дүнг зөв үнэлэх, үр нөлөөг дээшлүүлж ажиллах чиг үүргийн дагуу ажлаа төлөвлөн биелэлтэд нь хяналт тавин ажиллаж байна.

Тайлант хугацаанд 249 хүн/өдөр ажилласан ба дараах ажлуудыг хийж гүйцэтгэлээ. Үүнд:

ХУУЛЬ ТОГТООМЖ, ТОГТООЛ ШИЙДВЭРИЙН ХЭРЭГЖИЛТИЙН ЯВЦАД ХИЙСЭН ХЯНАЛТ-ШИНЖИЛГЭЭ, ҮНЭЛГЭЭ:

Монгол Улсын хууль, Улсын Их Хурлын тогтоол, Ерөнхийлөгчийн зарлиг, ҮАБЗ-ийн зөвлөмж, Засгийн газрын тогтоол, шийдвэрийн хэрэгжилтийн явцад хийсэн хяналт-шинжилгээ, үнэлгээ:

Нийгмийн даатгалын ерөнхий газрын хяналтад 2023 оны жилийн эцсийн байдлаар Монгол Улсын Засгийн газрын тогтоол, Засгийн газрын хуралдааны тэмдэглэл, Нийгмийн даатгалын үндэсний зөвлөлийн нийт 31 шийдвэрийн 86 заалт байна.

Хяналтад байгаа нийт 31 шийдвэрийн 7 шийдвэр нь 2022 онд гарсан, 24 шийдвэр нь 2023 онд шинээр хяналтад авсан заалтууд байна.

Хууль тогтоомж, тогтоол шийдвэрийн биелэлтэд 2023 оны эхний хагас жил болон жилийн эцсийн байдлаар хийсэн хяналт-шинжилгээний үнэлгээний дүнг хүснэгтээр харуулбал:

Шийдвэрийн төрөл	2023 оны эхний хагас жил			2023 оны жилийн эцэс		
	Нийт шийдвэрийн тоо	Заалтын тоо	Хэрэгжилтийн хувь	Нийт шийдвэрийн тоо	Заалтын тоо	Хэрэгжилтийн хувь
Монгол Улсын Засгийн газрын тогтоол	13	23	92.0	15	48	96.0
Засгийн газрын хуралдааны тэмдэглэл	4	5	96.6	4	5	100
Нийгмийн даатгалын үндэсний зөвлөл				12	33	100
Нийт	17	28	94.3	31	86	98.6

Нийгмийн даатгалын салбарын хэмжээнд хэрэгжиж байгаа 17 хууль тогтоомж, дээд газрын тогтоол шийдвэрийн 28 заалтын биелэлтийг 2023 оны эхний хагас жилийн байдлаар 94.3 хувиар үнэлж, үнэлгээний тайланг 2023 оны 01/1428 дугаар албан бичгээр, жилийн эцсийн байдлаар 31 хууль тогтоомж, дээд газрын тогтоол шийдвэрийн 86 заалтын

биелэлтийг 98.6 хувьтай үнэлж, үнэлгээний тайланг 2024 оны 01/321 дүгээр албан бичгээр Хөдөлмөр, Нийгмийн хамгааллын яаманд хүргүүлсэн.

Шилэн дансны тухай хуулийн хэрэгжилтийн явцад хийсэн хяналт-шинжилгээ, үнэлгээ:

Шилэн дансны хөтлөлтийн талаар:

Шилэн дансны тухай хууль, Засгийн газрын 2016 оны 29 дүгээр тогтоолоор баталсан “Шилэн дансны цахим хуудсанд тавигдах мэдээллийн агуулга, нийтлэг стандартыг тогтоох тухай журам”-ын хэрэгжилтийг хангах ажлын хүрээнд шилэн дансны цахим хуудас/shilendans@mof.gov.mn/-д “Төсөв, гүйцэтгэл”, “Хөрөнгө оруулалт, тендер, худалдан авалт”, “Бусад” гэсэн цэсээр нийт 24 төрлийн мэдээллийг харьяа байгууллагууд байршуулан мэдээлж байна. Үүнд:

- Хуулийн 3 дугаар зүйлийн 3.1.1-д заасны дагуу байгууллагын санхүү, үйл ажиллагааны мэдээллийг Нийгмийн даатгалын ерөнхий газар, МТТ, БНСУ дах Хөдөлмөр, нийгмийн хамгааллын үйлчилгээний төв, Нийслэлийн нийгмийн даатгалын газар, 9 дүүрэг, 21 аймгийн Нийгмийн даатгалын хэлтэс нийт 34 эрхээр;
- Хуулийн 6 дугаар зүйлийн 6.7-д заасны дагуу Нийгмийн даатгалын сангийн мэдээллийг Нийгмийн даатгалын ерөнхий газар, Нийслэлийн нийгмийн даатгалын газар, 9 дүүрэг, 21 аймгийн нийгмийн даатгалын сангийн 32 эрхээр мэдээлж байна.

Нийгмийн даатгалын байгууллагууд 2023 оны 3 дугаар улирлын байдлаар нийт 8,208 мэдээллийг байршуулахаас хугацаандаа байршуулсан мэдээлэл 7,805, хугацаа хоцроосон мэдээлэл 296, байршуулаагүй 107 мэдээлэл байсан ба мэдээлэл байршуулалт 99 хувь, хугацаандаа мэдээлэл байршуулалт 95 хувьтай байна. Үүнд:

- *Нийгмийн даатгалын байгууллагын санхүү, үйл ажиллагааны мэдээлэл байршуулалт:* 2023 оны 3 дугаар улирлын байдлаар нийгмийн даатгалын байгууллагын санхүү, үйл ажиллагааны нийт 4,284 мэдээллийг байршуулахаас хугацаандаа байршуулсан мэдээлэл 4,112, хугацаа хоцроосон мэдээлэл 129, байршуулаагүй 43 мэдээлэл байсан ба мэдээлэл байршуулалт 99 хувь, хугацаандаа мэдээлэл байршуулалт 96 хувьтай байна.
- *Нийгмийн даатгалын сангийн мэдээлэл байршуулалт:* 2023 оны 3 дугаар улирлын байдлаар Нийгмийн даатгалын сангийн нийт 3,924 мэдээллийг байршуулахаас хугацаандаа байршуулсан мэдээлэл 3,693, хугацаа хоцроосон мэдээлэл 167, байршуулаагүй 64 мэдээлэл байсан ба мэдээлэл байршуулалт 98 хувь, хугацаандаа мэдээлэл байршуулалт 94 хувьтай байна.

Шилэн дансны хөтлөлтийн нэгдсэн тайланг 2023 оны 1,2,3 дугаар улирлын байдлаар гаргаж, Хөдөлмөр, Нийгмийн хамгааллын яаманд Нийгмийн даатгалын ерөнхий газрын 2023 оны 1/83, 1/789, 1/ 1431, 1/1865 дүгээр албан бичгээр тус тус хүргүүлэв.

Шилэн дансны цахим хуудсанд мэдээлэл байршуулаагүй Завхан, Говь-Алтай, Хөвсгөл, Ховд, Төв аймгийн Нийгмийн даатгалын хэлтсийн дарга нарт Нийгмийн даатгалын ерөнхий газрын даргын 2023 оны “Шилэн дансны мэдээлэл байршуулах тухай” 01/773, 01/774, 01/790, 01/791, 01/792 дугаар албан бичгийг хүргүүлэв.

Мөн 2023 оны 03 дугаар улирлын мэдээгээр Шилэн дансны цахим хуудсанд мэдээллийг байршуулаагүй Төв аймгийн Нийгмийн даатгалын хэлтсийн даргад “Шилэн дансны мэдээлэл байршуулах тухай” 03/1861 дүгээр албан бичгийг хүргүүлсэн.

Шилэн дансны хуулийн хэрэгжилтэд хийсэн аудитын талаар:

Засгийн газрын агентлагийн эрх зүйн байдлын тухай хуулийн 7 дугаар зүйлийн 7.1.1 дэх заалт, Төсвийн тухай хуулийн 16.5.7 дахь заалт, Шилэн дансны тухай хууль, Хөдөлмөр, нийгмийн хамгааллын сайдын 2023 оны А/197 дугаар тушаал, Нийгмийн даатгалын ерөнхий газрын даргын баталсан удирдамжийн дагуу Шилэн дансны тухай хууль тогтоомжийн

хэрэгжилтийг хангах, шилэн дансны цахим хуудасны 2023 оны хөтлөлт, мэдээлэл байршуулсан байдал, холбогдох баримт бичгийг бүрэн оруулсан байдалд хяналт тавьж, дүн шинжилгээ хийх, гаргасан алдаа, илэрсэн зөрчлийг арилгуулах зорилгоор Шилэн дансны хуулийн хэрэгжилтэд 2023 оны 01 дүгээр сарын 01-ний өдрөөс 2023 оны 12 дугаар сарын 31-ний өдрийг дуусталх хугацааг хамруулан 2023 оны 12 дугаар сарын 27-ны өдрөөс 2024 оны 01 дүгээр сарын 14-ний өдрүүдэд дотоод аудитыг хийж гүйцэтгэсэн.

Нийгмийн даатгалын төв, орон нутгийн байгууллагууд нь Shilendans.gov.mn цахим хуудсанд Нийгмийн даатгалын байгууллагын үйл ажиллагаа болон Нийгмийн даатгалын сангийн мэдээллийг тухай бүр, сар, улирал, хагас жил, жилээр гэсэн давтамжтайгаар мэдээлж байна

Нийгмийн даатгалын салбарын хэмжээнд 2023 оны 12 дугаар сарын 31-ний өдрийн байдлаар шилэн дансны цахим хуудсанд нийт 9,739 мэдээлэл байршуулахаас 9,320 мэдээллийг хугацаанд нь байршуулж, 365 мэдээллийг хугацаа хоцроож, 54 мэдээллийг байршуулаагүй байна. Мэдээлэл байршуулалт 99.4 хувь, мэдээллийг хугацаанд нь байршуулсан байдал 95.7 хувьтай байна. Үүнд:

- Нийгмийн даатгалын байгууллагын санхүү, үйл ажиллагааны мэдээлэл байршуулалт: 5,168 мэдээлэл байршуулахаас 4,988 мэдээллийг хугацаанд нь байршуулж 162 мэдээллийг хугацаа хоцроож, 18 мэдээллийг байршуулаагүй байна. Мэдээлэл байршуулалт 99.7 хувь, хугацаанд нь байршуулсан мэдээлэл 96.52 хувь байна.

- Нийгмийн даатгалын сангийн мэдээлэл байршуулалт: 4,571 мэдээлэл байршуулахаас 4,332 мэдээллийг байршуулж 203 мэдээллийг хугацаа хоцроож, 36 мэдээллийг байршуулаагүй байна. Мэдээлэл байршуулалт 99.2 хувь, хугацаанд нь байршуулсан мэдээлэл 94.5 хувь;

Нийгмийн даатгалын салбарын дүнгээр нийт мэдээлэл байршуулалтыг аймаг, дүүргээр харуулбал:

№	Байгууллагын нэр	Нийт мэдээлэл	Мэдээлэл хугацаандаа оруулсан	Үүнээс				Хугацаа хоцорсон мэдээлэл	Үүнээс			Мэдээлэл оруулаагүй	Нийт мэдээлэл байршуулсан хувь	Хугацаандаа мэдээлэл байршуулсан хувь
				Мэдээлэл хугацаандаа оруулсан	Ил тод болгоогүй /Мэдээлэл оруулж	Ил тод болгосон /Араас нь хугацаандаа зассан/	Оруулах мэдээлэл байхгүй		Хугацаа хоцроосон	Оруулах мэдээлэл байхгүй	Ил тод болгосон /хоцорч зассан/			
1	НДЕГазар	152	150	89	-	2	59	2	2	-	-	-	100%	99%
2	МТТөв	152	150	73	-	-	77	2	2	-	-	-	100%	99%
3	БНСУ дахь НД-ын тасаг	152	140	54	-	2	84	12	4	8	-	-	100%	92%
5	ННДГ	174	173	78	-	2	93	1	1	-	-	-	100%	99%
6	Баянгол	304	302	112	-	14	176	2	2	-	-	-	100%	99%
7	Баянзүрх	304	296	99	-	7	190	8	3	4	1	-	100%	97%
8	Сүхбаатар дүүрэг	304	299	117	-	6	176	5	4	-	1	-	100%	98%
9	Сонгинохайрхан	304	296	117	1	10	168	8	8	-	-	-	100%	97%
10	Чингэлтэй	304	301	147	-	2	152	3	-	-	3	-	100%	99%
11	Хан-Уул	304	302	302	-	-	-	2	2	-	-	-	100%	99%
12	Налайх	304	301	139	-	-	162	3	2	1	-	-	100%	99%
13	Багануур	304	293	118	-	2	173	11	11	-	-	-	100%	96%
14	Багахангай	293	281	130	3	118	30	12	12	-	-	-	100%	96%
15	Архангай	304	300	133	-	9	158	4	2	-	2	-	100%	99%
16	Баян-Өлгий	304	300	103	-	10	187	4	4	-	-	-	100%	99%

17	Еаянхонгор	304	299	131	5	7	156	5	4	-	1	-	100%	98%
18	Булган	304	304	132	-	18	154	-	-	-	-	-	100%	100%
19	Говь-Алтай	304	283	72	-	5	206	21	11	10	-	-	100%	93%
20	Говьсүмбэр	304	281	62	-	7	212	23	18	2	3	-	100%	92%
21	Дархан-Уул	304	288	89	1	4	194	16	15	1	-	-	100%	95%
22	Дорноговь	304	291	90	14	3	184	13	4	9	-	-	100%	96%
23	Дорнод	304	298	154	-	5	139	6	4	2	-	-	100%	98%
24	Дундговь	304	297	136	-	2	159	7	3	4	-	-	100%	98%
25	Завхан	304	279	114	-	5	160	25	12	4	9	-	100%	92%
26	Орхон	304	298	113	-	2	183	6	3	2	1	-	100%	98%
27	Өвөрхангай	304	296	85	28	2	181	8	8	-	-	-	100%	97%
28	Өмнөговь	304	287	120	-	4	163	17	16	-	1	-	100%	94%
29	Сухбаатар	304	304	123	-	2	179	-	-	-	-	-	100%	100%
30	Сэлэнгэ	304	285	91	-	1	193	19	5	14	-	-	100%	94%
31	Төв	304	202	58	-	3	141	48	16	1	31	54	82%	66%
32	Увс	304	293	127	8	6	152	11	8	3	-	-	100%	96%
33	Ховд	304	297	165	2	1	129	7	7	-	-	-	100%	98%
34	Хөвсгөл	304	294	177	-	3	114	10	3	4	3	-	100%	97%
35	Хэнтий	304	260	260	-	-	-	44	-	-	44	-	100%	86%
Нийт		9,739	9,320	4,110	62	264	4,884	365	196	69	100	54	99.4%	95.7%

Дээрх хүснэгтээс үзэхэд:

- Хугацаандаа байршуулсан 9,320 мэдээллээс:
 - ✓ Мэдээллээ хугацаандаа оруулсан 4,110 мэдээлэл;
 - ✓ Ил тод болгоогүй /Мэдээлэл оруулж байгаа/ 62 мэдээлэл;
 - ✓ Ил тод болгосон /Дараа нь хугацаандаа зассан 264 мэдээлэл;
 - ✓ Оруулах мэдээлэл байхгүй төлөвт оруулсан 4,884 мэдээлэл байна.
- Хугацаа хоцроож байршуулсан 365 мэдээллээс:
 - ✓ Хугацаа хоцроосон 196 мэдээлэл;
 - ✓ Оруулах мэдээлэл байхгүй төлөвт 69 мэдээлэл;
 - ✓ Ил тод болгосон /хоцорч зассан/ 100 мэдээлэл байна.

Шилэн дансны хууль, тогтоомжийн хэрэгжилтэд хийсэн дотоод аудитын дүн мэдээ, танилцуулгыг Хөдөлмөр, нийгмийн хамгааллын яаманд Нийгмийн даатгалын ерөнхий газрын даргын 2024 оны 01/109 дүгээр албан бичгээр хүргүүлсэн.

ГҮЙЦЭТГЭЛИЙН ТӨЛӨВЛӨГӨӨНИЙ ХЭРЭГЖИЛТИЙН ЯВЦАД ХИЙСЭН ХЯНАЛТ-ШИНЖИЛГЭЭ, ҮНЭЛГЭЭ:

Төсвийн ерөнхийлөн захирагч /Хөдөлмөр, нийгмийн хамгааллын сайд/-аас төсвийн шууд захирагч /Нийгмийн даатгалын ерөнхий газрын дарга/-тай байгуулсан гүйцэтгэлийн төлөвлөгөөний хэрэгжилтэд хийсэн хяналт-шинжилгээ, үнэлгээ:

Төсвийн ерөнхийлөн захирагч /Хөдөлмөр нийгмийн хамгааллын сайд/-аас Төсвийн шууд захирагч /Нийгмийн даатгалын ерөнхий газрын дарга/-тай 2023 онд байгуулсан гүйцэтгэлийн төлөвлөгөөний биелэлтэд эхний хагас жил болон жилийн эцсийн байдлаар хяналт-шинжилгээ үнэлгээг хийсэн.

Нийгмийн даатгалын ерөнхий газрын даргын 2023 оны гүйцэтгэлийн төлөвлөгөөнд нийт 10 зорилтын 59 арга хэмжээг хэрэгжүүлэхээр тусгасан байна. Үүнд:

- Бодлогын баримт бичигт тусгагдсан 1 зорилт, 12 арга хэмжээ;
- Хуулиар тусгайлан олгосон чиг үүргийн 1 зорилт, 17 арга хэмжээ;
- Хуулиар олгосон нийтлэг чиг үүргийн 4 зорилт, 18 арга хэмжээ;
- Төрийн үйлчилгээний чанар хүртээмжийг сайжруулах чиглэлээр 4 зорилт, 12 арга хэмжээ байна.

Нийгмийн даатгалын ерөнхий газрын даргын 2023 оны гүйцэтгэлийн төлөвлөгөөний эхний хагас жилийн биелэлтийг 93.7 хувиар, жилийн эцсийн биелэлтийг 96.52 хувь буюу “Тодорхой үр дүнд хүрсэн” гэж дүгнэж, үнэлгээний тайланг Хөдөлмөр, Нийгмийн хамгааллын яаманд Нийгмийн даатгалын ерөнхий газрын даргын 2023 оны 01/1289, 01/2268 дугаар албан бичгээр тус тус хүргүүлэв.

Төсвийн шууд захирагч /Нийгмийн даатгалын ерөнхий газрын дарга/-аас зохион байгуулалтын нэгжийн дарга /менежер/-тай байгуулсан гүйцэтгэлийн төлөвлөгөөний хэрэгжилтэд хийсэн хяналт-шинжилгээ, үнэлгээ:

Төсвийн шууд захирагч /Нийгмийн даатгалын ерөнхий газрын дарга/-аас зохион байгуулалтын нэгжийн дарга нартай байгуулсан гүйцэтгэлийн төлөвлөгөөний 2023 оны жилийн эцсийн биелэлтэд хяналт-шинжилгээ үнэлгээг хийлээ.

Зохион байгуулалтын нэгжийн дарга нарын 2023 оны гүйцэтгэлийн төлөвлөгөөнд нийт 149 арга хэмжээг тусгаж, нэмэлт 32 арга хэмжээг хэрэгжүүлэн ажилласан байна. Үүнд:

- *Тамгын газар:* 33 арга хэмжээ;
- *Дотоод аудит, мониторингийн газар:* 19 арга хэмжээ, нэмэлт 24 арга хэмжээ;
- *Бодлогын хэрэгжилт, судалгааны газар:* 30 арга хэмжээ;
- *Сургалт олон нийт хамтын ажиллагааны газар:* 9 арга хэмжээ;
- *Хяналт шалгалтын газар:* 10 арга хэмжээ;
- *Санхүү бүртгэлийн газар:* 14 арга хэмжээ, нэмэлт 4 арга хэмжээ;
- *Эмнэлэг хөдөлмөрийн магадлах төв комисс:* 23 арга хэмжээ, нэмэлт 4 арга хэмжээ;
- *Мэдээллийн технологийн төв:* 11 арга хэмжээ;

Зохион байгуулалтын нэгжийн гүйцэтгэлийн төлөвлөгөөнд тусгагдсан зорилт, арга хэмжээний биелэлтийг эхний хагас жилийн байдлаар 94.6 хувь, жилийн эцсийн байдлаар 92.2 хувиар буюу “Тодорхой үр дүнд хүрсэн” гэж үнэлж, дүн мэдээг газрын удирдлагад танилцуулсан.

Зохион байгуулалтын нэгжийн 2023 онд дэвшүүлсэн зорилт, гүйцэтгэлийн төлөвлөгөөгөөр хүлээсэн үүргийн биелэлтэд хийсэн хяналт-шинжилгээ үнэлгээний дүнг харуулбал:

Нэгжийн үнэлгээний дүн

№	Газрын нэр	Менежерийн нэр	Үнэлгээ
1	Тамгын газар	Б.Батсүх	92.5
2	Бодлогын хэрэгжилт, судалгааны газар	Ц.Ганцэцэг	93.3
3	Санхүү бүртгэлийн газар	Б.Даваахүү	93.9
4	Сургалт олон нийт хамтын ажиллагааны газар	Д.Цэцэгбадам	90.0
5	Хяналт шалгалтын газар	Д.Ганзориг	89.0
6	Мэдээллийн технологийн төв	Г.Хүрэлбаатар	94.5
7	Дотоод аудит, мониторингийн газар	Б.Ганхуяг	92.5

8	Эмнэлэг хөдөлмөрийн магадлах төв комисс	91.8
Нийт дундаж үнэлгээ		92.2

Аймаг /нийслэл/, дүүргийн Нийгмийн даатгалын хэлтэс /газар/-ийн төсвийн шууд захирагчтай байгуулсан гүйцэтгэлийн төлөвлөгөөний хэрэгжилтийн явцад хийсэн хяналт-шинжилгээ, үнэлгээ;

Төсвийн төвлөрүүлэн захирагч / Нийгмийн даатгалын ерөнхий газрын дарга/-аас Төсвийн шууд захирагч нар / Аймаг /Нийслэл/-ийн Нийгмийн даатгалын хэлтэс /газар/-ийн дарга/-тай 2023 онд байгуулсан гүйцэтгэлийн төлөвлөгөөний эхний хагас жилийн болон жилийн эцсийн хэрэгжилтэд хяналт-шинжилгээ үнэлгээг хийлээ

Төсвийн шууд захирагч нарын 2023 оны гүйцэтгэлийн төлөвлөгөөнд 8 зорилт, 47 арга хэмжээг хэрэгжүүлэхээр тусгасан байна.

Тус гүйцэтгэлийн төлөвлөгөөнд тусгагдсан зорилт, арга хэмжээний 2023 оны жилийн эцсийн биелэлтэд зохион байгуулалтын нэгжүүдээс өгсөн үнэлгээний дунджийг тус бүрээр нь харуулбал нийт дундаж үнэлгээ **88.2** хувьтай байна. Үүнд:

Хүснэгт-25

№	Нэгжийн нэр	Арга хэмжээний тоо	Үнэлгээ /дундаж оноо/
1.	Бодлогын хэрэгжилт судалгааны газар	6	93.9
2.	Санхүү бүртгэлийн газар	16	89.7
3.	Дотоод аудит, мониторингийн газар	2	82.7
4.	Хяналт шалгалтын газар	5	87.1
5.	Тамгын газар	7	86.9
6.	Сургалт, олон нийт, хамтын ажиллагааны газар	3	86.0
7.	Эмнэлэг хөдөлмөрийн магадлах төв комисс	4	90.6
8.	Мэдээллийн технологийн төв	4	89.1
Нийт оноо		47	88.2

Аймаг /Нийслэл/-ийн Нийгмийн даатгалын хэлтэс /газар/-ийн дарга нарын 2023 оны гүйцэтгэлийн төлөвлөгөөний жилийн эцсийн биелэлтэд хийсэн хяналт-шинжилгээ үнэлгээний дүнг дэлгэрэнгүйгээр харуулбал дараах байдалтай байна. Үүнд:

**ТӨСВИЙН ШУУД ЗАХИРАГЧ НАРЫН 2023 ОНЫ ГҮЙЦЭТГЭЛИЙН
ТӨЛӨВЛӨГӨӨНИЙ БИЕЛЭЛТИЙН 2023 ОНЫ ЖИЛИЙН ЭЦСИЙН ҮНЭЛГЭЭ**

Хүснэгт-26

№	Газар, хэлтсийн нэр	БХСГ	СБГ	ДАМГ	ХШГ	ТГ	СОНХАГ	ЭХМТК	МТТ	Дундаж оноо
1	Архангай	90.5	92.2	80.0	82.6	85.1	93.0	87.5	93.0	88.0
2	Баян-Өлгий	93.2	91.6	81.0	86.6	85.8	75.3	87.5	90.3	86.4
3	Баянхонгор	94.0	86.5	78.8	86.6	84.5	73.3	86.3	89.3	84.9
4	Булган	90.3	84.1	62.3	86.0	85.0	76.3	85.0	86.0	81.9
5	Говь-Алтай	94.8	91.1	92.0	91.6	88.6	85.0	93.8	93.4	91.3
6	Говьсүмбэр	89.7	80.7	59.3	83.4	79.1	73.3	85.0	84.3	79.3
7	Дархан-Уул	95.0	92.0	95.0	90.0	91.0	98.0	94.0	93.4	93.6
8	Дорнод	97.2	90.9	94.3	90.4	89.6	82.0	92.5	87.7	90.6
9	Дорноговь	96.0	90.0	92.0	91.6	85.0	92.7	93.0	92.8	91.6

10	Дундговь	95.7	92.3	82.0	85.6	86.7	76.7	92.4	89.5	87.6
11	Завхан	96.0	89.0	83.0	82.6	85.0	78.7	91.3	95.0	87.6
12	Орхон	96.7	92.5	98.3	91.6	91.0	100	96.3	93.0	94.9
13	Өвөрхангай	94.0	91.5	88.5	85.0	88.3	98.7	93.8	93.8	91.7
14	Өмнөговь	95.5	90.3	44.3	90.0	85.0	81.7	88.0	90.0	83.1
15	Сүхбаатар	96.7	91.5	92.5	89.4	88.6	89.3	90.0	84.9	90.4
16	Сэлэнгэ	91.8	90.4	90.0	89.4	87.5	90.0	88.8	85.0	89.1
17	Төв	90.0	86.9	36.8	83.6	80.0	80.0	85.0	81.0	77.9
18	Увс	93.0	90.0	95.3	89.0	90.0	95.3	91.3	90.0	91.7
19	Ховд	94.5	89.0	90.0	89.4	86.3	86.0	93.8	91.7	90.1
20	Хэнтий	94.0	88.6	92.3	84.6	89.0	94.3	92.5	89.1	90.6
21	Хөвсгөл	90.3	91.6	96.5	82.6	87.9	85.0	95.0	82.0	88.9
22	Нийслэлийн Нийгмийн даатгалын газар	96.0	91.3	95.0	85.0	93.3	86.7		84.1	90.2
Дундаж үнэлгээ		93.9	89.7	82.7	87.1	86.9	86.0	90.6	89.1	88.2

Нийгмийн даатгалын ерөнхий газрын даргаас аймаг /Нийслэл/-ийн Нийгмийн даатгалын хэлтэс /газар/-ийн дарга нартай 2023 онд байгуулсан гүйцэтгэлийн төлөвлөгөөний жилийн эцсийн байдлаар биелэлтэд хийсэн хяналт-шинжилгээ үнэлгээний дүнг нэгтгэлээр харуулбал:

- 90-94.9 оноогоор үнэлэгдсэн 1 газар, 10 аймгийн Нийгмийн даатгалын хэлтэс;
- 81.9-88.0 оноогоор үнэлэгдсэн 9 аймгийн Нийгмийн даатгалын хэлтэс;
- 77.9-79.3 оноогоор үнэлэгдсэн 2 аймгийн Нийгмийн даатгалын хэлтэс байна.

Төсвийн шууд захирагч нь 2023 оны гүйцэтгэлийн төлөвлөгөөнд тусгагдсан зорилт, арга хэмжээний биелэлтийг эхний хагас жилийн байдлаар 85.8 хувиар, жилийн эцсийн байдлаар 88.2 хувь буюу Тодорхой үр дүнд хүрсэн гэж үнэлж үнэлгээний дүнг удирдлагад танилцуулсан.

БОДЛОГЫН БАРИМТ БИЧГИЙН ХЭРЭГЖИЛТИЙН ЯВЦАД ХИЙСЭН ХЯНАЛТ-ШИНЖИЛГЭЭ, ҮНЭЛГЭЭ:

Улсын хөгжлийн жилийн төлөвлөгөөний хэрэгжилтийн явцад хийсэн хяналт-шинжилгээ, үнэлгээ:

Монгол Улсын хөгжлийн 2023 оны төлөвлөгөөг хэрэгжүүлэх арга хэмжээний төлөвлөгөөнд нийгмийн даатгалын салбарт хэрэгжүүлэхээр тусгагдсан зорилт, арга хэмжээний хэрэгжилтийн явцад хяналт-шинжилгээ, үнэлгээ хийв.

Төлөвлөгөөнд нийгмийн даатгалын салбарт хэрэгжүүлэх 1 зорилт бүхий 1 арга хэмжээ тусгагдсан байна. Үүнд:

Зорилт 1.5. *“Хөдөлмөрийн зах зээлийн эрэлтэд нийцсэн ажиллах хүч бэлтгэж, ажлын байрыг нэмэгдүүлж, хөдөлмөр эрхлэлтийг дэмжин, нийгмийн хамгааллыг зорилтот бүлэгт чиглүүлж, халамжаас хөдөлмөрт шилжих оновчтой бодлого хэрэгжүүлнэ”* зорилтын хүрээнд:

- 1.5.5. *Тэтгэврийн зөрүүг ойртуулах зорилгоор тэтгэвэр тооцох итгэлцүүрийг шинэчлэн тогтоох /ЗГҮАХ-2.5.5/;*

Нийгмийн даатгалын салбарт хэрэгжүүлэхээр тусгагдсан зорилт, арга хэмжээний биелэлтийг 2023 оны эхний хагас жил, болон жилийн эцсийн байдлаар 100 хувиар үнэлж, үнэлгээний тайланг Нийгмийн даатгалын ерөнхий газрын даргын 2023 оны 01/1218, 2024 оны 01/23 дугаар албан бичгээр Хөдөлмөр, Нийгмийн хамгааллын яаманд хүргүүлсэн.

Засгийн газрын үйл ажиллагааны хөтөлбөрийн хэрэгжилтийн явцад хийсэн хяналт-шинжилгээ, үнэлгээ:

Засгийн газрын 2020-2024 оны үйл ажиллагааны хөтөлбөрт “Нийгмийн даатгалын тогтолцоог шинэчилж, нийгмийн халамжийг оновчтой болгон, хөдөлмөр эрхлэлтийг нэмэгдүүлж, хүн амын хөгжлийг хангаж, дундаж давхаргын хүрээг өргөжүүлэн монгол хүний амьдралын чанарыг дээшлүүлнэ” гэсэн зорилтын хүрээнд 5 зорилт бүхий 8 арга хэмжээ тусгагдсан байна.Үүнд:

- 2.5.1. “Нийгмийн даатгалын шинэчлэл хийж, иргэн бүрд суурь тэтгэвэр олгох, хувийн даатгалын үйлчилгээнд хамрагдах боломж бүхий олон давхаргат тэтгэврийн тогтолцоонд шилжинэ.” зорилтын хүрээнд 3 арга хэмжээ;
- 2.5.2.“Нийгмийн даатгалын шимтгэлийн нэрийн дансны үлдэгдлийн тодорхой хэсгийг гэр бүлд нь өвлүүлэх нөхцөлийг бүрдүүлнэ” зорилтын хүрээнд 1 арга хэмжээ;
- 2.5.4. “Хөдөлмөрийн зах зээлийг орчин үеийн хэрэгцээ шаардлагад нийцүүлэн шинэчилж, бүтээмж, үр дүнд суурилсан цалин хөлс, ажлын үнэлгээний систем нэвтрүүлж, зайнаас болон цагаар ажиллах уян хатан зохицуулалт бий болгон хөдөлмөр эрхлэлтийг нэмэгдүүлнэ” зорилтын хүрээнд 1 арга хэмжээ;
- 2.5.5. “Цалин хөлс, тэтгэвэр, тэтгэмжийг инфляц, хөдөлмөрийн бүтээмжтэй уялдуулан үе шаттайгаар нэмэгдүүлнэ” зорилтын хүрээнд 2 арга хэмжээ;
- 2.5.6. “Цахим Монгол” арга хэмжээний хүрээнд хөдөлмөр, нийгмийн хамгааллын салбарыг бүхэлд нь цахимжуулах, иргэдэд үзүүлэх үйлчилгээг ил тод, түргэн шуурхай, хүртээмжтэй болгоно” зорилтын хүрээнд 1 арга хэмжээ;

Засгийн газрын 2020-2024 оны үйл ажиллагааны хөтөлбөрийг хэрэгжүүлэх арга хэмжээний биелэлтийг 2023 оны эхний хагас жилийн байдлаар 92.5 хувиар, жилийн эцсийн байдлаар 92.2 хувь буюу “Тодорхой үр дүнд хүрсэн” гэж үнэлж, үнэлгээний тайланг Нийгмийн даатгалын ерөнхий газрын даргын 2023 оны 01/1345, 2024 оны 01/23 дугаар албан бичгээр Хөдөлмөр, Нийгмийн хамгааллын яаманд хүргүүлсэн.

Монгол улсыг (2021-2025 онд) хөгжүүлэх 5 жилийн үндсэн чиглэлийн хэрэгжилтэд хяналт-шинжилгээ, үнэлгээ:

Монгол Улсын Их хурлын 2020 оны 23 дугаар тогтоолын 1 дүгээр хавсралтаар баталсан Монгол Улсыг 2021-2025 онд хөгжүүлэх таван жилийн үндсэн чиглэлд нийгмийн даатгалын салбарт хэрэгжүүлэх 2 зорилт бүхий 4 арга хэмжээ тусгагдсан байна.

Монгол Улсыг 2021-2025 онд хөгжүүлэх таван жилийн үндсэн чиглэлд тусгагдсан зорилт, арга хэмжээний хэрэгжилтэд хийсэн хяналт шинжилгээний дүнгээр:

- Зорилт, арга хэмжээ нь шалгуур үзүүлэлт, зорилтот түвшинд хүрсэн, тодорхой үр дүн гарсан 100 хувийн хэрэгжилттэй 3 арга хэмжээ;
- Зорилт, арга хэмжээнд хүрэх зорилгоор өөрсдөөс хамаарах шийдвэрийг гаргасан, гүйцэтгэл нь тодорхой хэмжээгээр гарч ажил хийгдэж буй 90 хувийн хэрэгжилттэй 1 арга хэмжээ байна.

Монгол Улсыг 2021-2025 онд хөгжүүлэх таван жилийн үндсэн чиглэлд нийгмийн даатгалын салбарт хэрэгжүүлэхээр тусгагдсан зорилт, арга хэмжээний биелэлтийг 2023 оны жилийн эцсийн байдлаар 97.5 хувь буюу “Тодорхой үр дүнд хүрсэн” гэж үнэлж, үнэлгээний тайланг Нийгмийн даатгалын ерөнхий газрын даргын 2024 оны 01/23 дугаар албан бичгээр Хөдөлмөр, Нийгмийн хамгааллын яаманд хүргүүлсэн.

Авлигатай тэмцэх үндэсний хөтөлбөрийг хэрэгжүүлэх арга хэмжээний төлөвлөгөөнд нийгмийн даатгалын чиглэлээр тусгагдсан зорилт, арга хэмжээний хэрэгжилтийн явцад хийсэн хяналт-шинжилгээ, үнэлгээ:

Авлигын эсрэг үйл ажиллагааны 2023 оны ажлын төлөвлөгөөнд хяналт-шинжилгээ, үнэлгээг хийлээ.

Тус төлөвлөгөөнд нийгмийн даатгалын салбарт хэрэгжүүлэх 5 зорилтын 23 арга хэмжээг тусгагдсан байна.

Төлөвлөгөөнд тусгагдсан зорилт, арга хэмжээний биелэлтийг харуулбал:

- "Үр дүнтэй" зорилт арга хэмжээ нь оновчтой тодорхойлогдсон, шалгуур үзүүлэлт, зорилтот түвшиндээ бүрэн хүрсэн, удирдлага зохион байгуулалт сайн, үр дүн гарсан буюу 100 хувийн биелэлттэй 4 арга хэмжээ;
- "Тодорхой үр дүнд хүрсэн" зорилт нь шалгуур үзүүлэлт, зорилтот түвшиндээ бүрэн хүрээгүй, тодорхой үр дүн гарч эхэлж байгаа, хэрэгжилт, үр дүнг нэмэгдүүлэх шаардлагатай 70-99 хувийн биелэлттэй 16 арга хэмжээ;
- "Эрчимжүүлэх шаардлагатай" зорилт нь шалгуур үзүүлэлт, зорилтот түвшиндээ хүрээгүй, удирдлага, зохион байгуулалт, хариуцлагыг сайжруулж, үйл ажиллагааг эрчимжүүлэх, зорилтод чиглэсэн арга хэмжээг сайжруулах шаардлагатай бол 31-69 хүртэл хувийн биелэлттэй 3 арга хэмжээ байна.

2023 оны төлөвлөгөөнд тусгагдсан ажил үүргийг зохих түвшинд биелүүлсэн тул төлөвлөгөөний биелэлтийг 2023 оны жилийн эцсийн байдлаар 78.4 хувь буюу "Тодорхой үр дүнд хүрсэн" гэж үнэлж, танилцуулгыг Тамгын газарт хүргүүлсэн.

Алсын хараа 2050" Монгол Улсын урт хугацааны хөгжлийн бодлогын хэрэгжилтэд хийсэн хяналт-шинжилгээ, үнэлгээ:

"Алсын хараа-2050" Монгол Улсын урт хугацааны хөгжлийн бодлогын баримт бичигт нийгмийн даатгалын чиглэлээр тусгагдсан зорилт, арга хэмжээний хэрэгжилтийн явцад 2023 оны эхний 8 сарын байдлаарх хэрэгжилтийн тайлан, холбогдох мэдээ, мэдээллийг үндэслэн хяналт-шинжилгээ, үнэлгээг хийв.

Улсын Их Хурлын 2020 оны 52 дугаар тогтоолоор баталсан "Алсын хараа-2050" Монгол Улсын урт хугацааны хөгжлийн бодлогын баримт бичигт 2023 онд нийгмийн даатгалын чиглэлээр хэрэгжүүлэхээр "Амьдралын баталгааг хангах нийгмийн хамгааллын үйлчилгээг хөгжүүлж, амьдралын чанарыг дээшлүүлэхүйц нийгмийн даатгалын тогтолцоог бэхжүүлэх /Нэгдүгээр үе шат 2021-2023 он/" гэсэн зорилтын хүрээнд 7 арга хэмжээ тусгагдсан байна. Үүнд:

- Албан бус салбарт хөдөлмөр эрхэлж байгаа иргэд, малчдыг нийгмийн даатгалд даатгуулах тусгай хөтөлбөр хэрэгжүүлнэ;
- Нийгмийн даатгалын хууль, эрх зүйн орчныг боловсронгуй болгоно;
- Хувийн тэтгэврийн нэмэлт даатгалыг нэвтрүүлж, төрийн болон хувийн тэтгэврийн сангаас тэтгэвэр авах нөхцөлийг бүрдүүлж, санхүүгийн зах зээлийг дэмжинэ;
- Нийгмийн даатгалын мэдээллийн системийг боловсронгуй болгож, хяналтыг сайжруулна;
- Нутгийн захиргааны байгууллагатай хамтран өрхийн болон хувиараа үйлдвэрлэл, үйлчилгээ эрхлэгчдийг нийгмийн даатгалд заавал даатгуулах чиглэлээр сургалт, сурталчилгаа хийнэ;
- Нийгмийн даатгалын сангийн хөрөнгө оруулалтын бодлогыг тодорхойлно;
- Тэтгэврийн даатгалын хагас хуримтлалын тогтолцоонд хэсэгчлэн шилжүүлж, 1979 оноос хойш төрсөн даатгуулагчийн тэтгэврийн даатгалын шимтгэлийг бодит хуримтлал болгоно;

Зорилт, арга хэмжээний хэрэгжилтийн явцыг 2023 оны байдлаар 95.0 хувь буюу "Тодорхой үр дүнд хүрсэн" гэж үнэлж, үнэлгээний тайланг Нийгмийн даатгалын ерөнхий газрын даргын 2023 оны 01/1785 дугаар албан бичгээр Хөдөлмөр, Нийгмийн хамгааллын яаманд хүргүүлсэн.

САЛБАРЫН ҮЙЛ АЖИЛЛАГААГ ҮР ДҮНТЭЙ БАЙЛГАХ ЧИГЛЭЛЭЭР БУСАД БАЙГУУЛЛАГУУДАЙ ХАМТРАН АЖИЛЛАХ:

Нийгмийн даатгалын салбарын хэмжээнд мэдээллийн шинэчилсэн системийг турших, нэвтрүүлэх ажлыг зохион байгуулах;

Нийгмийн даатгалын мэдээллийн системийг хөгжүүлэх төслийн хүрээнд шинэчилсэн системийг турших, нэвтрүүлэх, хүлээн авахад дэмжлэг үзүүлэх үүрэг бүхий ажлын хэсэг

байгуулан SICOS программыг нэвтрүүлэхээр IT Zone ХХК-тай хамтран 2024 оны 01 дүгээр сарын 01-ний өдрөөс эхлэн хэрэгжүүлэхээр бэлтгэл ажлыг ханган ажиллаж байна.

Энэ ажлын хүрээнд ажлын хэсэг IT Zone ХХК -тай 15 удаа, дотооддоо 24 удаагийн уулзалтыг зохион байгуулав.

Дотооддоо зохион байгуулсан хуралдаанаар тэтгэвэр, тэтгэмж, нэрийн данс, ажил олгогчийн бүртгэл, харилцагчийн бүртгэл, цэргийн тэтгэврийн өөрчлөлт, нягтлан бодох бүртгэл, БНСУ дахь албан журмын даатгал, сайн дурын даатгал, 0-3 нас хабрид эхийн бүртгэл, буцаан олголт зэрэг бүтээгдэхүүнд хуулийн дагуу тавигдах болзол нөхцөл, шалгах шалгуур үзүүлэлтээр нийгмийн даатгалаас иргэд даатгуулагчдад үзүүлж буй бүтээгдэхүүн, үйлчилгээ тус бүрээр боловсруулж, бүх тохиолдлыг тестлэх ажлыг хэлэлцэн IT Zone ХХК-д хүргүүлсэн.

Мөн IT Zone ХХК-ийн удирдлагуудтай уулзалтыг зохион байгуулж, программ нэвтрүүлэлтийн төлөвлөгөө, үйлчилгээг тестлэх асуудлаар ярилцаж санал солилцсон байна.

Тус газраас ҮОМШӨ-ний даатгалын сангаас олгох тэтгэвэр, тэтгэмж, урьдчилан сэргийлэх арга хэмжээний зардал, хугацааны алданги, цаатан иргэдийн шимтгэл ногдуулалт, төлөлттэй холбоотой бүтээгдэхүүн үйлчилгээний бүх тохиолдлыг боловсруулж, тестлэхэд бэлэн болгож ажлын хэсэгт хүргүүлсэн.

Иргэний тэтгэвэр барьцаалсан зээлийн төлбөрийг төрөөс нэг удаа төлөх тухай” хуулийн хэрэгжилтийг хангах;

Үнэт цаас эзэмших эрхтэй тэтгэвэр авагчдаас 2020 оны 01 дүгээр сарын 01-ний өдрөөс хойш нас барж, үнэт цаасыг ар гэрийн хүнд нь өвлүүлэх 8,537 нас барсан иргэд байснаас 2023 оны 12 дугаар сарын 10-ны өдрийн байдлаар 7,294 иргэний ар гэрт 6,834,2 сая төгрөгийг “Үнэт цаасны төвлөрсөн хадгаламжийн төв”-өөр дамжуулан олгоод байна Харин 1,243 нас барсан иргэдийн ар гэрт 982,7 сая төгрөг олгогдоогүй байна.

ТӨСӨВ, САНХҮҮГИЙН ҮЙЛ АЖИЛЛАГАА

Тус газар нь чиг үүргийн хүрээнд 21 аймаг, 9 дүүргийн хэмжээнд хяналт-шинжилгээ, үнэлгээ болон аудитыг хийж гүйцэтгэсэн ба 21 аймгийн холбогдох тайлан мэдээ, санхүүгийн баримтыг цахимаар авч доорх ажлыг хийж гүйцэтгэсэн. Үүнд:

Нийгмийн даатгалын байгууллагаас 2024 онд өндөр насны тэтгэвэрт гарах албан хаагчдын ажилласан жил болон 36 сар хүртэлх цалинтай тэнцэх хэмжээний нэг удаагийн тэтгэмжид мониторинг хийх;

Нийгмийн даатгалын төв, орон нутгийн байгууллагын ажилтнуудын 2024 онд өндөр настны тэтгэвэрт гарахад олгох нэг удаагийн буцалтгүй тусламжийн тооцооллыг ажилтан, албан хаагчдын хөдөлмөрийн дэвтэр, нийгмийн даатгалын дэвтэр, ажилд томилсон, чөлөөлсөн тушаал, холбогдох архивын лавлагаа, цалингийн тооцооны карт, нийгмийн даатгалын мэдээллийн нэгдсэн санд тулгуурлан төрийн албанд ажилласан хугацаа, дундаж цалинд үндэслэн хянав.

Нийгмийн даатгалын төв, орон нутгийн байгууллагын хэмжээнд 2024 онд 36 ажилтан албан хаагч өндөр насны тэтгэвэрт гарах ба эдгээр ажилтан албан хаагчдад олгох нэг удаагийн буцалтгүй тусламж болох нийт 1,070.1 сая төгрөгийн тооцооллыг хийж Тамгын газар, Бодлогын хэрэгжилт судалгааны газарт 2023 оны 07 дугаар сард, мөн 11 дүгээр сард, 2024 оны 04 дүгээр сарын 01-ний өдрөөс төрийн албан хаагчийн цалин нэмэгдэхтэй холбогдуулан дээрх тооцоололд өөрчлөлтийг оруулж 36 албан хаагчийн 1,081.4 сая төгрөгийн тооцооллыг хийж Бодлогын хэрэгжилт, судалгааны газарт хүргүүлсэн.

Үндэсний аудитын газраас Нийгмийн даатгалын төв орон нутгийн байгууллагуудын 2022 оны санхүүгийн тайланд хийсэн аудитаар өгсөн акт, албан шаардлага, зөвлөмжийн биелэлтэд мониторинг хийх

Үндэсний аудитын газраас нийгмийн даатгалын төв орон нутгийн байгууллагуудын 2022 оны санхүүгийн тайланд хийсэн аудитаар өгсөн акт, албан шаардлага, зөвлөмжийн биелэлтийг нэгтгэж, дүгнэсэн.

Аудитаар 6.58 сая төгрөгийн 12 акт, 176,755.5 сая төгрөгийн 50 албан шаардлага, 3,670.16 сая төгрөгийн 57 зөвлөмж ирүүлсэн ба актын биелэлт 77.1 хувь, албан шаардлагын биелэлт 3.69 хувь, зөвлөмжийн биелэлт 98.0 хувьтай байна.

Акт, албан шаардлага, зөвлөмжийн биелэлтийг нотлох баримтын хамт Хөдөлмөр, нийгмийн хамгааллын яаманд 2023 оны 01/1615 албан бичгээр хүргүүлсэн ба Үндэсний Аудитын газрын www.fas.audit.mn цахим хуудас /Санхүүгийн тайлангийн аудитын систем, акт, албан шаардлага, зөвлөмжийн биелэлт бүртгэх/-д биелэлтийг нотлох баримтын хамт байршуулан хяналт тавьж баталгаажуулсан.

Нийгмийн даатгалын сангуудын орлогын төвлөрүүлэлтэд мониторинг хийх;

Аймаг, дүүргийн хэлтсүүдийн Нийгмийн даатгалын сангийн мөнгөн хөрөнгийн үлдэгдлийг санд төвлөрүүлсэн байдалд дүн шинжилгээ хийсэн.

Төвлөрсөн харилцах дансанд байгаа шимтгэлийн орлогыг нийгмийн даатгалын сангуудад хуваарилж байгаа эсэх, сангуудын зарцуулагдаагүй үлдэгдэл (зардлаас давсан орлого)-ийг Нийгмийн даатгалын ерөнхий газрын төв сангуудын холбогдох харилцах дансанд төвлөрүүлж байгаа эсэх, сангуудын мөнгөн хөрөнгийг холбогдох сан болон төв санд заасан хугацаанд нь төвлөрүүлэхгүй байгаа шалтгааныг тодорхойлж, дүгнэлт гаргах, бодит байдлыг удирдлагад танилцуулах зорилгоор хийж гүйцэтгэсэн.

2023 оны 09 дүгээр сарын 30-ны өдрийн байдлаар Нийгмийн даатгалын 5 төрлийн санд 383,599,16 сая төгрөгийн үлдэгдэлтэй гарсан бөгөөд үүнээс 36,168.43 сая төгрөг нь сумдын харилцахын үлдэгдэл бөгөөд үлдэгдлийг банк тус бүрээр харуулбал:

- Төрийн санд 4.60 хувь буюу 17,638.51 сая төгрөг;
- Хаан банканд 56.08 хувь буюу 217,428.42 сая төгрөг;
- Төрийн банканд 27.93 хувь буюу 107,132.60 сая төгрөг;
- Голомт банканд 4.04 хувь буюу 15,480.73 сая төгрөг;
- Худалдаа хөгжлийн банканд 3.95 хувь буюу 15,168.29 сая төгрөг;
- Капитран банканд 2.56 хувь буюу 9,801.62 сая төгрөг;
- Хас банканд 0.24 хувь буюу 934.19 сая төгрөг байна.

Нийгмийн даатгалын сангийн нийт мөнгөн хөрөнгийн үлдэгдэл 41,439.0 сая төгрөг байна Үүнээс:

- Зардлаас илүү авч үлдсэн мөнгөн хөрөнгө 19,364.9 сая төгрөг;
- Төвлөрсөн харилцахын мөнгөн хөрөнгө 22,074.1 сая төгрөг байна.

Орлогын төвлөрсөн харилцах данс болон дараа сарын зарлагын мөнгөн хөрөнгийн нөөц хөрөнгийг хассанаас үлдсэн бусад сангийн дансны үлдэгдэл мөнгөн хөрөнгийг төвлөрүүлээгүй шалтгаан, гарч буй хүндрэл бэрхшээлүүдийг тодорхойлон дүгнэлтийн хамт удирдлагад танилцуулав.

Судалгааг хийх явцад сангийн харилцах дансны үлдэгдлийг сар бүрийн эцэст бүрэн хуваарилж тушаалын хэрэгжилтийг хангаж ажиллахыг Аймаг, дүүргийн Нийгмийн даатгалын хэлтсийн Санхүү бүртгэлийн тасгийн дарга болон орлогын нягтлан бодогч нарт зөвлөж ажилласан.

Байгууллагын мэдээллийн ил тод, нээлттэй байдлын хэрэгжилтэд мониторинг хийх;

1. Нийгмийн даатгалын ерөнхий газрын Мэдээллийн ил тод, нээлттэй байдалд 2022 оны жилийн эцсийн байдлаар хяналт-шинжилгээ үнэлгээ хийв.

Хяналт-шинжилгээ, үнэлгээг мэдээллийн хүртээмжтэй байдал, хугацаандаа нийтлэгдсэн байдал, мэдээллийн бүрэн бүтэн байдал, эх сурвалжийн байдал зэрэг шалгуур үзүүлэлтээр дараах мэдээллийн хүрээнд дүгнэв. Үүнд:

- Нэг чиг үүрэг, үйл ажиллагааны стратеги, зохион байгуулалт 9;
- Хүний нөөцийн талаарх мэдээллийн ил тод байдал, нээлттэй байдал 6;
- Төсөв, санхүү, худалдан авах ажиллагаа 17;
- Үзүүлж байгаа үйлчилгээний талаарх мэдээлэл 1;
- Бусад мэдээллийн ил тод, нээлттэй байдал 2;

Байгууллагын мэдээллийн ил тод, нээлттэй байдлын хэрэгжилтийг 2023 оны 04 дүгээр сарын 01-ний өдрийн байдлаар 91.4 хувиар “Тодорхой үр дүнд хүрсэн” гэж дүгнэж, үнэлгээний дүнг Нийгмийн даатгалын ерөнхий газрын даргын 2023 оны 01/831 дүгээр албан бичгээр Цахим хөгжил, харилцаа холбооны яаманд хүргүүлсэн.

2. Нийгмийн даатгалын төв, орон нутгийн байгууллагуудын цахим хуудсанд /2023 оны/ нээлттэй мэдээллийг байршуулж байгаа байдалд шинжилгээ-үнэлгээг хийсэн.

Шинжилгээгээр мэдээлэл байршуулсан байдлыг дараах чиглэлийн хүрээнд үнэлж нэгтгэсэн. Үүнд:

- Хуулийн 8.2 дугаар зүйлд чиг үүрэг, үйл ажиллагааны стратеги, зохион байгуулалтын талаарх мэдээллийг бүрэн байршуулсан эсэх;
- Хуулийн 8.3 дугаар зүйлд мэдээлэл хариуцагч өөрийн хүний нөөцийн талаарх мэдээллийг бүрэн байршуулсан эсэх;
- Хуулийн 8.4 дүгээр зүйлд мэдээлэл хариуцагч төсөв, санхүү, худалдан авах ажиллагааны талаарх мэдээллийг бүрэн байршуулсан эсэх;
- Хуулийн 8.5 дугаар зүйлд мэдээлэл хариуцагч хуульд заасан чиг үүргийн хүрээнд үзүүлж байгаа үйлчилгээний талаар мэдээллийг бүрэн байршуулсан эсэх;
- Хуулийн 8.6 дугаар зүйлд бусад мэдээллийн ил тод, нээлттэй байдлыг хангасан эсэх;

Засгийн газрын 2022 оны 352 дугаар тогтоолоор баталсан “Нээлттэй мэдээллийг ил тод байлгах болон ил тод байдлын шалгуур үзүүлэлт тогтоох, үнэлгээ хийх журам”-ын заалтыг үндэслэн Нийтийн мэдээллийн ил тод байдлын тухай хуулийн 8 дугаар зүйлийн 8.2-8.6 дахь заалтын дагуу байршуулсан мэдээлэлд хийсэн шинжилгээ, судалгаагаар Нийгмийн даатгалын ерөнхий газар 91.48%, Нийслэлийн нийгмийн даатгалын газар 72.92%, дүүргийн хэмжээнд 43.14%, аймгийн хэмжээнд 55.88% гүйцэтгэлтэйгээр мэдээллийг байршуулсан байна.

Мэдээллийг салбарын хэмжээнд 53.95%-тай байршуулсан байгаа нь хангалтгүй байна.

Мөн мэдээллийн хүртээмжтэй байдал, хугацаандаа нийтлэгдсэн байдал, мэдээллийн бүрэн бүтэн байдал, эх сурвалжийн тодорхой байдал гэсэн **шалгуур үзүүлэлтээр** шинжилгээ хийхэд Нийгмийн даатгалын ерөнхий газар 90.79% , Нийслэлийн нийгмийн даатгалын газар 76.05%, дүүргийн хэмжээнд 60.65%, аймгийн хэмжээнд 51.76 хувьтай хэрэгжсэн байна.

Хуулийн хэрэгжилтэд хяналт-шинжилгээ, үнэлгээ хийхэд аймаг (нийслэл), дүүргийн хэмжээнд мэдээллийг хугацаа хоцроож байршуулах, мэдээлээгүй зэрэг зөрчлөөс гадна чиг үүрэг, бүтэц, шинээр хэрэгжиж байгаа хууль, засгийн газрын тогтоол, шийдвэр, тушаал, албан хаагчдын мэдээллийг хугацаанд нь байршуулсан харагдаж байгаа боловч доторх мэдээлэл хоосон, Нийгмийн даатгалын ерөнхий газрын мэдээллийг шууд хуулбарлан байршуулсан зэрэг алдаа дутагдлууд илэрч байна.

Мөн вебсайт ажиллахгүй байгаа, устсан гэх шалтгаанаар ажил олгогч, даатгуулагч, иргэдийг мэдээллээр хангаагүй нь Нээлттэй мэдээллийн ил тод байдлын тухай хуулийн хэрэгжилт хангалтгүй байгааг харуулж байна.

ТӨЛӨВЛӨГӨӨТ БУС АЖЛЫН ТАЛААРХ МЭДЭЭЛЭЛ

Хан-Уул дүүргийн Нийгмийн даатгалын хэлтсийн 2022, 2023 оны эхний 6 сарын байдлаар санхүү үйл ажиллагаанд шалгалт хийх;

Нийгмийн даатгалын ерөнхий газрын даргын баталсан удирдамжийн дагуу Тамгын газар, Хяналт шалгалтын газартай хамтран Хан-Уул дүүргийн Нийгмийн даатгалын хэлтсийн үйл ажиллагаанд хийсэн хяналт шалгалтын хүрээнд тус хэлтсийн 2022, 2023 оны эхний хагас жилийн байдлаарх санхүү үйл ажиллагаанд шалгалт хийсэн.

Тус шалгалтаар дараах зөрчил дутагдал илэрсэн байна. Үүнд:

- 2022 оны жилийн эцсийн санхүүгийн тайлангаар ХХОАТ-ын үлдэгдэл татварын цахим системтэй зөрсөн;
- Шатахууны зардалд гаргасан;
- И баримтын цахим системд дутуу болон илүү бүртгэгдсэн гүйлгээ;
- 2022 оны жилийн эцсийн санхүүгийн тайлангаар Үндсэн хөрөнгийн тайланд үлдэх өртөггүй хөрөнгө тусгасан;

- Шилэн дансны цахим хуудсанд байршуулаагүй 3 мэдээлэл;
- Төрийн хэмнэлтийн тухай хууль зөрчсөн;
- Зардлын эдийн засгийн ангилал зөрчсөн;

Шалгалтын дүн мэдээг удирдлагад танилцуулсан ба Хан-Уул дүүргийн Нийгмийн даатгалын хэлтэст Нийгмийн даатгалын ерөнхий газрын даргын 2023 оны “Шалгалтын дүнгийн тухай” А/112 дугаар тушаалаар илэрсэн зөрчлийг арилгах, хэрэгжилтийг хангаж ажиллах талаар үүрэг, даалгавар өгөгдсөн.

Архангай аймгийн Нийгмийн даатгалын хэлтэст Нийгмийн даатгалын тухай хууль тогтоомжийн хэрэгжилтийг шалгах;

Иргэдээс төрийн байгууллага, албан тушаалтанд гаргасан өргөдөл, гомдлыг шийдвэрлэх тухай хуулийн дагуу Нийгмийн даатгалын ерөнхий газарт ирүүлсэн иргэний гомдлын мөрөөр уг гомдолд дурдсан асуудлыг бүх талаас нь судлан үзэж, илэрсэн зөрчил дутагдлын үндэслэлийг шалгаж тодруулах зорилгоор Нийгмийн даатгалын ерөнхий газрын даргын баталсан удирдамжийн дагуу Санхүү бүртгэлийн газар, Тамгын газартай хамтран Архангай аймгийн нийгмийн даатгалын хэлтэст ажилласан.

Нийгмийн даатгалын ерөнхий газрын даргын 2023 оны 09 дүгээр сарын 29-ний өдрийн баталсан удирдамжийн дагуу Архангай аймгийн Нийгмийн даатгалын хэлтэст Нийгмийн даатгалын тухай хууль, тэдгээртэй нийцүүлэн гаргасан тушаал, шийдвэрийн хэрэгжилтийг Хяналт шалгалтын газартай хамтран шалгаж, шалгалтаар илэрсэн зөрчил дутагдал, цаашид авах арга хэмжээний саналыг боловсруулан Нийгмийн даатгалын ерөнхий газрын даргад танилцуулсан.

Үйлдвэрлэлийн осол, мэргэжлээс шалтгаалсан өвчнөөс урьдчилан сэргийлэх арга хэмжээний зардлыг санхүүжүүлэх журмын хэрэгжилтэд шинжилгээ хийх;

Засгийн газрын 2015 оны 483 дугаар тогтоолоор баталсан “Дотоод аудитын дүрэм”, Нийгмийн даатгалын ерөнхий газрын даргын 2021 оны А/86 дугаар тушаалаар баталсан “Нийгмийн даатгалын байгууллагын дотоод аудитын журам”-ыг мөрдлөг болгон Нийгмийн даатгалын сангаас олгох үйлдвэрлэлийн осол, мэргэжлээс шалтгаалсан өвчний тэтгэвэр, тэтгэмж төлбөрийн тухай хуулийн 171 дүгээр зүйл, Хөдөлмөрийн аюулгүй байдал, эрүүл ахуйн тухай хуулийн 23 дугаар зүйлийн 23.3, 26 дугаар зүйлийн 26.1.4, Нийгмийн даатгалын үндэсний зөвлөлийн 2017 оны “Журам батлах тухай” 10 дугаар тогтоолоор баталсан “Үйлдвэрлэлийн осол, мэргэжлээс шалтгаалсан өвчнөөс урьдчилан сэргийлэх арга хэмжээний зардлыг санхүүжүүлэх журам”, Хөдөлмөрийн аюулгүй байдал, эрүүл ахуйн Үндэсний хорооны баталсан 2022 оны төлөвлөгөөг үндэслэн үйлдвэрлэлийн осол, мэргэжлээс шалтгаалсан өвчнөөс урьдчилан сэргийлэх арга хэмжээний зардлын санхүүжилтэд дүн шинжилгээг хийсэн.

Үйлдвэрлэлийн осол, мэргэжлээс шалтгаалсан өвчний даатгалын сангаас санхүүжүүлэх урьдчилан сэргийлэх арга хэмжээний төлөвлөгөөнд нийт 45 арга хэмжээг хэрэгжүүлэхээр тусгасан.

Тайланг хугацаанд 14 байгууллагад 32 арга хэмжээний зардалд нийт 1,186.4 сая төгрөгийн санхүүжилтийг олгосон.

Дээрх 1,186.4 сая төгрөгийн санхүүжилтээс 84.2 сая төгрөгийн зардлын буцаалт хийхээс 64.2 сая төгрөгийн буцаалтыг хийж, 20.0 сая төгрөгийн зардлын тооцоог нийлж дүнг эцэслээгүй байна.

Санхүү бүртгэлийн газраас ирүүлсэн санхүүгийн анхан шатны баримт бичиг, холбогдох тайланг нягтлахад дараах нийтлэг дутагдал байна.Үүнд:

- Нотлох баримтгүй;
- Урьдчилан сэргийлэх арга хэмжээний төлөвлөгөөнд тусгагдсан арга хэмжээний ажлын тайлан хангалтгүй, бодит үр дүнг тодорхойлох боломжгүй, үр дүнтэй эсэх нь тодорхойгүй;
- Төсвийн зарцуулалтын тайлан, үр дүнгийн тайланг хугацаанд нь ирүүлээгүй;
- Хэрэгжүүлэх арга хэмжээг төлөвлөгөөнд тусгагдсан хугацаанд нь хэрэгжүүлсэн эсэх нь тодорхой бус;
- Сургалт зохион байгуулах гэрчилгээ авсан нь тодорхой бус, гэрчилгээ байхгүй;
- Урд оны урьдчилан сэргийлэх арга хэмжээний үр дүнг үнэлсэн үнэлгээ хийгээгүй;

- Анхан шатны баримтын бүрдэл дутуу, арга хэмжээг зохион байгуулсан тухай ажлын тайлан ирүүлээгүй байгууллагуудад санхүүжилтийг олгосон;
- Анхан шатны баримтын бүрдэл дутуу зэрэг байна.

Илэрсэн зөрчил, дутагдлыг арилгах, санал дүгнэлт гарган зөвлөмж боловсруулж удирдлагад хүргүүлснээр, Хөдөлмөрийн аюулгүй байдал, үндэсний хорооны 2023 оны 01 дүгээр сарын 13-ны өдрийн хуралдаанд танилцуулсан.

Нийгмийн даатгалын ерөнхий газрын даргын баталсан захиргааны хэм хэмжээний актад хяналт-шинжилгээ, үнэлгээ хийж Хууль зүй, дотоод хэргийн яаманд хүргүүлэх;

Захиргааны ерөнхий хуулийн 60 дугаар зүйл, 69 дүгээр зүйлийн 69.1 дэх хэсэгт заасныг үндэслэн Монгол Улсын Засгийн газрын хуралдааны 2022 оны 55 дугаар тэмдэглэл, Хууль зүй, дотоод хэргийн сайдын 2023 оны 1/1306 дугаар зөвлөмжийн дагуу Захиргааны хэм хэмжээний актын нэгдсэн санд бүртгэлтэй Нийгмийн даатгалын ерөнхий газрын даргын баталсан захиргааны хэм хэмжээний актад хяналт-шинжилгээ, үнэлгээ хийв.

Нийгмийн даатгалын ерөнхий газрын даргын баталсан 3 захиргааны хэм хэмжээний актын хэрэгжилтийн явцад хяналт-шинжилгээ, үнэлгээ хийж, хэрэгжилтийн явцыг 100 хувь буюу холбогдох шийдвэр нь тавьсан зорилгодоо бүрэн хүрсэн, үр дүн гарсан “Бүрэн хэрэгжсэн” гэж үнэлсэн.

Үнэлгээний танилцуулга, хэрэгжилтийн тайланг Нийгмийн даатгалын ерөнхий газрын даргын 2023 оны 01/1013 дугаар албан бичгээр Хууль зүй, дотоод хэргийн яам, Хөдөлмөр, нийгмийн хамгааллын яаманд хүргүүлсэн.

Нийгмийн даатгалын төв, орон нутгийн байгууллагад ирүүлсэн өргөдөл, гомдлын шийдвэрлэлтийн байдалд дүн шинжилгээ хийх;

Нийгмийн даатгалын ерөнхий газрын даргын өгсөн үүрэг даалгаврын дагуу Нийгмийн даатгалын ерөнхий газар, Нийслэлийн Нийгмийн даатгалын газар, 21 аймаг, 9 дүүргийн Нийгмийн даатгалын хэлтсээс ирүүлсэн өргөдөл, гомдлын шийдвэрлэлтийн тоон мэдээ, мэдээлэлд үндэслэн шийдвэрлэлтийн үйл ажиллагаанд 2023 оны 01 дүгээр сарын 26-ны өдөр болон 3 дугаар сарын 09-ний өдрийн байдлаар мониторинг хийв.

Мониторинг хийх явцад Нийгмийн даатгалын байгууллагад ажил олгогч, даатгуулагч, иргэдээс ирүүлсэн өргөдөл, гомдлыг хэрхэн хүлээн авч бүртгэдэг талаарх судалгааг гаргасан ба уг судалгаагаар нийгмийн даатгалын байгууллагууд өргөдөл, гомдлыг 6 өөр байдлаар бүртгэж байна.

ABLE программ: 50 хувь 1 газар, 15 хэлтэс;
 ERP программ: 28,1 хувь 1 газар, 8 хэлтэс;
 Ехсел: 3,1 хувь буюу 1 хэлтэс;
 Бүртгэлийн дэвтэр: 12,5 хувь буюу 4 байгууллага;
 E Doc: 3,1 хувь буюу 1 хэлтэс;
 И-оффис: 3,1 хувь буюу 1 хэлтэс;

Нийгмийн даатгалын байгууллагуудад 2023 оны 01 дүгээр сарын 02-ны өдрөөс 3 дугаар сарын 10-ны өдрийг хүртэлх хугацаанд нийтдээ 3,329 өргөдөл, гомдол ирсэн байна. Үүнээс:

- Өргөдөл, хүсэлт 3,265;
- Гомдол 64 бүртгэгдсэн байна.

Нийгмийн даатгалын байгууллагад

- Ажил олгогч 4;
- Иргэд 3,181;
- Албан хаагч 144 өргөдөл, гомдлыг ирүүлсэн байна.

Ирүүлсэн өргөдөл, гомдлын дийлэнх нь:

- Эрүүл мэндийн даатгалын хураамж төлөлт, илүү төлсөн шимтгэлийн буцаалт залруулгатай холбоотой 1,052 өргөдөл байгаа бөгөөд нийт өргөдлийн 33.07 хувь;
- Сайн дурын даатгал, илүү төлсөн шимтгэлийн залруулгатай холбоотой 659 өргөдөл ба нийт өргөдлийн 20.72 хувь;

- Данс андуурч төлөгдсөн шимтгэлтэй холбоотой залруулга хийх тухай 180 өргөдөл ба 5.66 хувийг тус тус эзэлж байна.

Нийгмийн даатгалын байгууллагуудад ирүүлсэн өргөдөл, гомдлын шийдвэрлэлт 2023 оны 03 дугаар сарын 10-ны өдрийн байдлаар 90.54 хувьтай ба хяналтад байгаа 262, хугацаа хэтэрсэн 53 өргөдөл, гомдол байна.

Мөн хугацаа хэтэрч шийдвэрлэсэн 30 өргөдөл гомдол байна. Энэ нь нийт өргөдөл гомдлын 0.9 хувийг эзэлж байна.

Өргөдөл гомдлыг шийдвэрлэх хоног дунджаар 9.38 хоног байна.

Илэрсэн зөрчил, дутагдлыг арилгах, санал дүгнэлт гаргаж зөвлөмж боловсруулан Нийслэлийн Нийгмийн даатгалын газар, аймаг, дүүргийн Нийгмийн даатгалын хэлтсүүдэд Дотоод аудит, мониторингийн газрын 2023 оны 03/878 дугаар албан бичгээр зөвлөмжийг хүргүүлсэн.

Нийгмийн даатгалын байцаагчид мэргэшлийн зэргийг тогтоох, мэргэшлийн зэргийн нэмэгдэл олгох журам"-ын дагуу мэргэшлийн зэргийн нэмэгдэл олгох байцаагч, ажилтнуудын нэрсийн жагсаалтад мониторинг хийх;

Хөдөлмөр, нийгмийн хамгааллын сайдын 2022 оны “Дүрэм батлах тухай” А/73 дугаар тушаалаар баталсан “Нийгмийн даатгалын байцаагчийн мэргэшлийн зэргийг тогтоох, зэргийн нэмэгдэл олгох журам”-д заасны дагуу Нийгмийн даатгалын төв, орон нутгийн байгууллагад ажиллаж байгаа байцаагчдын нэрсийн жагсаалтад 2023 оны 2 дугаар сарын 7-10-ны өдрүүдэд мониторинг хийсэн.

Мэргэшлийн зэргийн нэмэгдэл олгох шалгуурыг хангасан байдлыг Нийгмийн даатгалын байцаагчаар ажилласан хугацааны нотлох баримт, гүйцэтгэлийн төлөвлөгөөний биелэлтийн үнэлгээ, ёс зүйн зөрчил, сахилгын шийтгэлтэй эсэх зэрэг шалгуур үзүүлэлтийг холбогдох баримт бичигтэй тулган нягталж, Тамгын газарт хүргүүлсэн.

Дээрх жагсаалтаар нийт 522 байцаагчийн нэрс ирүүлсэн ба дээрх нэрсийн жагсаалтад орхигдуулсан 12 байцаагч ажилтнууд байв.

Мөн Нийгмийн даатгалын төв, орон нутгийн байгууллагад ажиллаж буй мэргэшлийн зэргийн нэмэгдэл олгох байцаагч, ажилтнуудын 2024 онд олгох зэргийн нэмэгдлийн тооцоолол хийв.

2024 онд 553 байцаагчид 1,219.7 сая төгрөгийн мэргэшлийн зэргийн нэмэгдэл олгох тооцооллыг хийж Бодлогын хэрэгжилт судалгааны газар, Тамгын газарт тус тус хүргүүлсэн.

Нийгмийн даатгалын улсын байцаагчийн эрх олгох, эрх сэргээх, эрх баталгаажуулах шалгалтад орох байцаагч, ажилтнуудын нэрсийн жагсаалтад мониторинг хийх;

Нийгмийн даатгалын улсын байцаагчийн эрх олгох, баталгаажуулах, сэргээх шалгалтыг 2023 оны 12 дугаар сарын 22, 23-ны өдрүүдэд улсын хэмжээнд зохион байгуулав.

Энэхүү ажлын хүрээнд улсын байцаагчийн шалгалтад орох нийт 286 ажилтнуудын нэрсийн жагсаалтыг баримт бичигтэй тулган нягталж, ажлын хэсэгт хүргүүлсэн.

Төрийн албан хаагчийн буруутай үйлдлийн улмаас 2016-2023 онуудад ажлаас үндэслэлгүй халагдсан нь тогтоогдож, шүүхийн шийдвэрээр ажилд нь эгүүлэн томилсон ажилтнуудын судалгааг гарган холбогдох газарт хүргүүлэх;

Хөдөлмөр, нийгмийн хамгааллын сайдын баталсан 2023 оны “Төрд учирсан хохирлыг барагдуулах ажил зохион байгуулах тухай” А/59 дүгээр тушаалыг хэрэгжүүлэх ажлын хүрээнд Нийгмийн даатгалын салбарын 2016-2023 онуудад ажлаас үндэслэлгүй халагдсан нь тогтоогдож, шүүхийн шийдвэрээр ажилд нь эгүүлэн томилсон ажилтнуудын судалгааг гаргаж 2023 оны 05 дугаар сарын 25-ны өдрийн 01/1115 дугаар албан бичгээр Хөдөлмөр, нийгмийн хамгааллын яаманд хүргүүлсэн.

Дээрх ажлын хүрээнд 16 албан тушаалтантай холбоотой 77.2 сая төгрөгийг төлүүлэхээс 7 албан тушаалтантай холбоотой 28.1 сая төгрөгийг нөхөн төлүүлсэн бөгөөд 10 албан тушаалтантай холбоотой 49.1 сая төгрөгийг төлүүлэхээр ажиллаж байна.

Мөн Шүүхийн шийдвэрээр ажилдаа эгүүлэн томилогдсон ажилтан, албан хаагчтай холбоотой захиргааны хууль бус шийдвэр гаргасан 15 албан тушаалтанд төрд учирсан хохирлыг барагдуулж, байгууллагыг хохиролгүй болгох тухай албан бичгийг 2023 оны 07 дугаар сард хүргүүлсэн.

Төрд учирсан хохирлын нөхөн төлүүлэх талаар зохион байгуулсан ажлын тайланг гаргаж Дотоод аудит, мониторингийн газрын 2023 оны 03/2246 дугаар албан бичгээр Хөдөлмөр, нийгмийн хамгааллын яаманд хүргүүлсэн.

Сангийн яамнаас Нийгмийн даатгалын төв, орон нутгийн байгууллагуудад хийгдсэн хяналт шалгалтаар өгөгдсөн акт, албан шаардлага, зөвлөмжийн биелэлтийг нэгтгэх, хяналт тавих;

1. Сангийн Сайдын баталсан удирдамжийн дагуу Сангийн яамнаас Нийгмийн даатгалын төв, орон нутгийн байгууллагуудын 2021, 2022 онуудын санхүүгийн үйл ажиллагаанд санхүүгийн хяналт шалгалтыг 2023 оны 1 дүгээр улиралд хийсэн.

Тус шалгалтын хугацаанд Нийгмийн даатгалын төв, орон нутгийн байгууллагад 2017-2019 онуудад хийсэн санхүүгийн хяналт шалгалтаар өгөгдсөн 84,542.7 мянган төгрөгийн төлбөр тогтоосон 39 акт, 46,831.0 мянган төгрөгийн албан шаардлага, зөвлөмжийн хэрэгжилтийг гаргуулж, биелэлтийг нэгтгэн Сангийн яамны хяналт шалгалтын ажлын хэсэгт 2023 оны 05 дугаар сарын 05-ны өдөр хүргүүлсэн.

2. Сангийн Сайдын баталсан 2023 оны СХШХ/02 дугаар удирдамжийн дагуу Сангийн яамнаас Нийгмийн даатгалын ерөнхий газар, харьяа байгууллагуудын 2021, 2022 онуудын санхүүгийн үйл ажиллагаанд санхүүгийн хяналт шалгалтыг хийсэн.

Тус шалгалтаар илэрсэн зөрчлийг арилгах, давтан гаргахгүй байх, шалгалтын дүн мэдээ, шалгалтаар өгөгдсөн акт, албан шаардлага, зөвлөмжийн хэрэгжилтийг хангах зорилгоор Нийгмийн даатгалын ерөнхий газрын даргын 2023 оны “Зөвлөмжийн хэрэгжилтийг хангаж ажиллах тухай” А/133 дугаар тушаалаар Сангийн яамны Дотоод аудитын хорооны зөвлөмжийг хэрэгжүүлэх арга хэмжээний төлөвлөгөөг баталж Нийгмийн даатгалын төв, орон нутгийн байгууллагад хүргүүлсэн бөгөөд биелэлтийг нэгтгэн ажиллаж байна.

ДОТООД, АУДИТ, МОНИТОРИНГИЙН ГАЗАР